



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 9 Zakona o eksproprijaciji nekretnina u Brčko distriktu BiH (Službeni glasnik Brčko distrikta BiH, brojevi 26/04, 19/07, 2/08 i 19/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10) i Prijedloga odluke gradonačelnika broj: 30-000368/11 od 1. 11. 2011. godine, Skupština Brčko distrikta BiH na nastavku 55. redovne sjednice održanom 7. decembra 2011. godine, donosi

ODLUKU O UTVRĐIVANJU JAVNOG INTERESA

Član 1

Utvrđuje se da je od javnog interesa za Brčko distrikt BiH izgradnja dijela vodovodne mreže u MZ Bukovac u Brčko distriktu BiH, na dijelu zemljišta označenom kao k. č. brojevi: 250 (306/2, 301/4, i druge) 252 (305/4) KO Ulice Bukovac; i k. č. broj: 580/2, 582, 583/1, 1131, 553/24 KO D. Rahić, u Brčko distriktu BiH, prema Rješenju o lokacijskim uslovima, broj: UP-I-22-001371/11 od 28. 7. 2011. godine i grafičkom izvodu iz Prostornog plana Brčko distrikta BiH 2007-2017. godine – lokacija objekta – dio vodovodne mreže u MZ Bukovac, broj: UP-I- 22-001371/11 od 28. 7 . 2011. godine.

Član 2

Korisnik ekspropisanih nekretnina iz člana 1 ove odluke je Brčko distrikt BiH.

Član 3

Sredstva za izgradnju dijela vodovodne mreže u MZ Bukovac u Brčko distriktu BiH, iz člana 1 ove odluke osigurana su u Kapitalnom budžetu Brčko distrikta BiH za 2009. godinu.

Član 4

Nalaže se Odjeljenju za prostorno planiranje i imovinskopravne poslove da izvrši nepotpunu eksproprijaciju, s ciljem sticanja prava služnosti na neodređeno vrijeme, radi izgradnje dijela vodovodne mreže u MZ Bukovac u Brčko distriktu BiH, na dijelu zemljišta označenom kao k. č. brojevi: 250 (306/2, 301/4, i druge) 252 (305/4) KO Ulice Bukovac; i k. č. broj: 580/2, 582, 583/1, 1131, 553/24 KO D. Rahić, u Brčko distriktu BiH, u skladu s detaljno utvrđenim lokacijsko – tehničkim uslovima.

Član 5

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02 -493/11

Brčko, 7. decembra 2011. godine

**PREDSJEDNIK
SKUPŠTINE BRČKO DISTRIKTA BiH**

Esad Atić

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za komunalne poslove
5. Odjeljenju za prostorno planiranje
i imovinskopravne poslove
6. Sektoru za koordinaciju politika i opće poslove
- Odsjeku za opće poslove
7. Arhivi